

Vandaag is mienen daag

Vers:

Vandaag is mienen daag dae is gemak veur mich
wie op 't liëf geschreve jao zoë laevendig
ik maag vandaag gaon struine wies de sloëtingstiëd
dan bin ik mienen daag pas kwiët
maar det is nog hiel wiët eweg
d'n daag begint pas veur de ech

Refrein:

Vandaag gaon ik viëre want vandaag is mienen daag
dae hald ik in iëre dit is miene groëten daag
vandaag geit 't waere d'es de schoënste van 't jaor
vandaag guüf 't plezeer ônderein
blief nemus allein en hilt weer vanein
vandaag det is d'n daag van 't jaor
vandaag is mienen daag

Vers:

d'n daag dae gister jôngk waas is vandaag al alt
d'n daag dae morge kômme môt dae luüt mich kalt
vandaag is mienen daag ik zeg 't nog zoë dök
dae bläök van leefde en gelök
dus plök ik um veur daag en dauw
want zônne daag vervluug zoë gauw

Vers:

de vruugs dich waal ens dôkker aaf wao det aan leet
as dich d'n daag neet lekker zit dae leet dich neet
dan doon maar net wie ik want det is altiëd priës
de maks dich einen dieke wiës
de zaes zônder ein centje pien
laot dit miene gelöksdaag zien

(CD: "Jônk en ald")